

ALL NATIONS GOSPEL PUBLISHERS



www.angp-hb.co.za



info@angp.co.za

KI-SANGA Heart Book

MUTIMA WA MUNTU

Copyright ANGP

COPYRIGHT

ISBN 0 - 620018 - 51 - 8

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(Une Mission de littérature évangélique financée de dons)

(Reg. No. 1961/001798/08)

MUTIMA WA MUNTU

Nzubo ya Leza ani kyapu kya Satana. 1 Yoano 3:4-10. Dino dibuku i dya kala. Ba lembele mu ntanda ya France pa pita myaka mya ibidi. Dya pwa ku kwasha bantu bafule. I pamo na dikalasi ne bonso pa ku tangamo ba mona mitima yabo byonka byo i mweka ku menso a Mwine Leza, ne bengi ku lapila ba lapila ne ku pewa mitima mipya.

Ne anwe pa ku tangamo mu languluke amba i dikalasi dya kwitalamo. Nansha mudi bena Kristu, nansha kamunge kwitabila, nansha mudi ba ku bwelela munyuma, mu kemona byo mudi. Mwine Leza kenshi u papa kilungi kya muntu. U tala mu mutima, kenshi u tala mubidi.

Satana i shabo dya babubela bonso, mwanangwa wa mfinshi, Leza wa ba panopantanda. Wibepesha bu malaika wa kikela. Lelo kudi bengi baluwe ba bubela pamo na kala, bengidishi badimbidimbi, bebepesha bu baluwe ba Kristu. Wela kenshi tu kumye, pantu Satana mwine nandi u di kwibepesha bu malaika wa kikela. 2 Korinda 11:13-14. Satana u pofula bantu menso ne mitima, amba kenshi ba yuke butemwe bwa Leza, nansha ku yuka mukuji wabo Yesu Kristu. 2 Korinda 4:4. Ba ku pofulwa menso ne leza wa panopantanda kenshi ba yuka byo ba ya konka ku bonaike bwa nyeke. I bafu mu bubu bwabo ku menso a Leza. Ba nakila mulopwe wa panopantanda. Efesa 2:1-2. Ne Mwana wa Leza kyo a mwekele i konaula midimo ya Diabola. 1 Yoano 3:8. Ku lenga nakilai Leza, adi Satana mu mu kosele, sanga u ka nyema, u ka fuma ko mu di. Fwenai kwi Leza, nandi u ka fwena ko mu di. Yakoba 4:7-8.

Pa ku tanga ne ku tala bipikyala mu pime mitima yenu, mu yuke byo mu di. Ange mwa mona mitima yenu ya bipa, mu sokole bubu bwenu. Ange tu laka amba ka tudi ne bubu sanga twidimba, ne kine ka tudi nakyo mu mitima yetu. Ange tu sokola bubu bwetu atwe bene, aye i wa kine, i mololoke, wi tu lekela bubu bwetu ne kwi tu samfya ku bubu bonso.

Ange tu laka amba ka tu badile bubu, sanga tu mu sangula ke wa bubela, ne mwanda wandi ka udi mu mitima yetu. 1 Yoano 1:3-10. Mwifwalamyeye ku menso a Mwine Leza, e mi lekele myanda yenu ne kwi mi samfya mu mashi maneme a Yesu Kristu.

Kamba obe u nakila Mwine Leza ani Satana? Kamba udi musha wa bubu ani udi kalume wa Leza? Ange kine bubu bwa ku nonka, u didile Mwine Leza mu dizina dya Yesu Kristu, ye wa isile pano pantanda ku pulusha babi, ku pana menso ku bapofu, kwi tu fumya mu mfinshi, ne kwi tu leta mu kikela kyandi kya ku kumya, ne kwi tu fungula ku bulobo bwa Satana ne bwa bubu. Aye wi tu kula ku myanda yetu. Languluka byo Leza u ku tala. Aye i wa lwafyo, u mona byonso, ne ku yuka bifiswe byobe byonso, ne byubilo byobe byonso, ne milangwe yobe yonso. Kenshi u kosha ku fyama. Mwine wa bikile kutwi a bule ku teleka? Mwine wa bumbile dinso a bule ku mona? Ñimbo 94:9 Pantu menso andi a tala mu ya muntu, u mona monso mo endela. Ka kudi mfinshi nansha ya ku fita bye mo ba kosha ku fyama ba kuba bibi. Yoba 34:21,22. Pantu menso a Nkambo a pitana konso konso pano pantanda, ku mwesha bulobo bwandi bwa ku kwasha ba mitima ya ku mu ketekela mu kine. 2 Twebu 16:9; Yoano 2:24,25. Ba dyese i aba ba lekelwa myanda, ne bubu bwabo bwa butwa. Muntu wa ku bula ku telwa kwi Nkambo bu wa myanda i wa dyese. Mu mutima wandi ka mudi budimbidimbi. Ñimbo 32:1-2. Tangai ne mu Ñimbo 51. Nkambo Yesu wi mita lelo amba, lyai kwi ami, anwe bonso ba tukuta na midimo ne bipe bya ku nema, sanga ami nke mi pa ku tusha. Mateo 11:28.

1. KIPIKYALA KITANSHI

Kino kipikyala ki tu langa mutima wa muntu wa ku bula kwitabila, muntu wa ku temwa bya pano pantanda, wa ku bula ku semwa dibidi, wa ku nakila lwinso lwa buntunshi. Talai mutima wandi byo u mweka ku menso a Mwine Leza. Menso andi a tila ti mwanda wa bunkolwankolwa. Tangai Bishimikisho 23:29-32. I ani u dila, i ani u laka amba, Mawe?



1. KIPIKYALA KITANSHI

I ani wa lutobo? I ani udi ne mitotole ya bitu? I ani wa menso a tila ti? I aba ba ku toma vinyu tome, ba kwenda ku tompa vinyu bisambakanye. Ke ku tala vinyu lo bya tila, lo bya lelema mu kitomeno, lo bi pita biya pa mukoshi. Kuntanshi bi sumana bwa nyoka. Menso obe a ka mona bintu bya musango ungi bitu, ne mutima obe u ka laka bya ku bula ne mo bya ila.

Tala mu mutima wa au muntu, ba bikamo binyama bimo bya kwi tu bula misango ne misango ya bubi idi mu mitima yetu. Mutima wetu i pamo ne nzubo mo mwikala bubi. Leza amba, Mutima i wa budimbidimbi ku kila bintu byonso. Kabidi i wa bulwele bwa ku bula ku pwa. I ani u kosha ku yuka byo u di? Yeremiya 17:9. Ne Nkambo Yesu mwine amba, Munda mwa muntu mu tamba milangwe mibi, kyende-ende, bwifi, butapani, bukende, Iwinso, budimbidimbi, misango yonso ya bubi, bukwa, matuka, bwisanswishi, bya bupuname. Bino bintu byonso bibi bi tamba mu mutima wa muntu, byo bi mu jilusha. Marko 7:21-23.

1. TAUSI (Le Paon)

Talai tausi. I kyoni kya ku kila ku wama. Kidi ne bimasala bya misango ne misango. Kya temwa ku fungulula masala ne ku tanka tanka. Ki sonta pa bwisanswishi bwa bantu. Satana wa di malaika wa Leza kala. Wa ponene mwanda wa kwisansula. Wa sangwike ke wa kulwa ne Leza. Isaya 14:12-17; Ezekela 28:12-17.

Bwisanswishi bwa bantu bu mweka mu bintu bingi. Bamo betota busambashi, nansha mazubo abo ku wama, nansha bisandi bya mutengo, nansha buya bwa kilungi kyabo. Bangi betota mukoka wabo, nansha mano abo, nansha bulobo bwabo. Bangi beseka kwiwamya, befwikaika bimakosa ne twela twa ku matwi, bangi belemba binembo, bonaula mibidi yabo yo ba bumbile biya biya kwi Mwine Leza. Leza u kosela ba kwitumbika adi u mwesha bupe bwandi ku ba kwikefya. 1 Petero 5:5. Leza wa fulwa ba kwisansula ne ba ku tankatanka. Bishimikisho 8:13. Bwisanswishi bo bu tangidila bonaike. Mutima u kisansula ebiya ke ku pona.

Bishimikisho 16:18.

2. KABWA

Kabwa ka sonta pa lwinso lwa buntunshi, ne bukende, ne bubu bonso bwa kiende-ende. Kabwa kenda ka tola bya busadi konso. Bantu bengi badi au musango. Konso ko ba ya ba kaya ne banabakashi. Tudi mu mafuku a ku mpelesho. Bubi ne bukende bya kila lwine lelo. Bansongwalume ne bansongwakashi ba bala bubu, nansha bengi ba mu kyupo nabo monka. Benda ba saka ba bubu ba ku kaya nabo. Kabidi bubu bwa musango wa bena Sodoma bwa kwata bengi, monka mwa lakile Nkambo Yesu amba, Byonka byo kyadi mu mafuku a Lota e byo ki kekala mu mafuku a ku mpelesho. Bantu bamo badi ku tela ba bukende bu tubwa mu mulako wabo. Bantu ba au musango kenshi ba ka twela mu bulopwe bwa Leza, ke pantu twa tanga amba, Pantanda padi tubwa ne ba manga, ne ba bukende ne batapañani ne bapupankishi ne bonso ba temwa ku bepa bubela. Bimwesho 22:18. Tinai bukende. Bubi bonso bukubwa bu bala muntu kenshi i bwa mu mubidi wandi, adi u bala bukende u bifya mubidi wandi. 1 Korinda 6:18-20. Ka mu yukile amba mu di nzubo ya Leza, mo mwikala Muspiritu wa Leza? Ku lenga ange muntu wa onaula nzubo ya Leza, sanga Leza nandi u ka monaula. Pantu nzubo ya Leza i ya lwafyo, nenu byo mu di. 1 Korinda 3:16-17.

3. NGULUBE

Ngulube u sonta pa bankolwankolwa ne butube. I nyama wa ku dya kidyedyedye. Kenshi u sala yo. Ne bantu bamo ba di abi. Ba toma bya ku bipa bi di fwanka, nansha nsunko, nansha dyamba. Dyamba dyo dya ku kila ku bipa. Di onaula bantu lwine, di ba lenga ku bala bimyanda bikata. Satana wa kuta bengi ne ai misango yo twa tela. Bangi ba toma bibusele ne bintu bikubwa bibile, ba kolwa. Tu yuke biya amba bankolwankolwa kenshi ba ka mone bulopwe bwa Leza. Busele ne abi byonso bya ku toma kenshi i bidyo yo, i bya lufu bi onaula bantu, ku lenga mano abo a pwa. Pangi ba bala bubu, pangi bepaya bakubwa mwanda wa ku toma. Vinyu bi punika bantu. Bitomwa bikadi i bya

lutobo. Muntu wa ongolwa na bitomwa i wa ku bula mano. Bishimikisho 20:1. Mosesa wa kambishe kala ku bena Israela amba mwana wa bunkolwakolwa wa ku satukila shandi, sanga i ku mwasa mabwe a fwe. Ku Pituluka 21:19-21. Ba kwenga busele nansha bikwabo bya ku toma, ba di ne myanda pamo ne bene ba toma. Ke pantu mukanda wa Leza wa laka amba, Malwa andi awa u pela mukwabo bya ku toma, u mu pungulwila byandi bikadi a kolwe. Habakuka 2:15. Ke kwidimba. Ba bubi ne bapupankishi ne ba bukende, ne ba bubi bwa banabalume bene ne bene, ne bangifi, ne ba lwinso, ne bankolwankolwa, ne ba matuka, ne tupondo, kenshi ba ka pewa bulopwe bwa Leza. 1 Korinda 6:9,10. Wela midimo ya buntunshi ya yukanika: bukende, bubi, byonso bya nsoni, bupupankishi., buñanga bwa lubuko, kwifulwa, lutobo, bukwa, kipile, bulekanye, bwikete, lunkumbwa, bunkolwakolwa, makayo onso a mu ku kolwa, ne byonso bya au musango. Ne mi dimuna, byonka byo ne mi dimwinine kala, amba, ba kuba bintu bya au musango kenshi ba ka swane bulopwe bwa Leza. Galatia 5:19-21. Ke ku kolwa vinyu, mwanda bunkolwankolwa bonaula bantu, adi mu yulwe Mupiritu. Efesa 5:18. Nkambo Yesu i ntulo ya mema a mweo. Wita ba kilaka amba, Yense wa kilaka eye kwi ami a tome. Yoano 7:37. He! yense wa kilaka eye ku mema, ne wa ku bula ndalama eye a pote, a dye. I kine, iyai mu pote vinyu ne maziba kwa ku bula ndalama, kwa ku bula ne kyo mu panako. Mwanda ka mwela ndalama ku bintu bya ku bula kwikuta? Isaya 55:1-2.

4. FULWE

Fulwe i kanyama ka kwenda panene panene. Ka sonta pa mulele. Muzoze u bala myanda lwine. U kana kwingila, pangi wiba bya bene ne kwipaya bantu ponka pa kwiba, byonso abi i mwanda wa mulele wandi wa ku kana kwingila. Bangi ba di ne mulele mu bwina Kristu. Kenshi ba lombela. Kenshi ba tang'a mu mukanda wa Leza. Ku lenda i pamo ne mulele. Ba ku lenda ba konaika. Dya kensha i dya bangi. Mwine Leza u laka muntu amba, Itabila lelo dyonka. Satana wiya u mu kanya amba, U ki pembele nangwa kensha, nangwa lungi lufuku, lelo yo. Kwa pwa, au muntu u lenda pe amba,

Nketabila lungi, ne byo a fwa. Wa papukilwa nalo, wa fwa mu bubi bwandi kwa ku bula kwitabila mwi Nkambo Yesu. Wa onaika. Leza amba, Lelo pa ku teleka diwi dyandi, ke ku kosesha mitima yenu. Heberu 3:7-8.

Bañanga ba lubuko bamo bengila ne kitele kya fulwe pa ku lungika manga abo. Tu languluke byo Mwine Leza wi tu kanya ku paka manga ne ku buka. Ki saka tu ketekele Leza mumi. Bantu bengi kenshi ba lombela kwi Mwine Leza pa ku bela, nansha pa ku pelelwa. Ba ketekela bañanga ba lubuko ne bimanga byabo. Mwine Leza wa kambishe kala amba, Mwenu kenshi mu tanwe muntu wa lubuko, nansha wa ku bukila mu tubangabanga, nansha mu musango ungi, nansha wa byesha, nansha wa manga, nansha wa ku laka na bafu. Ku Pituluka 18:10-12. Muntu wa ku ya ku ba lubuko nansha ba majende, ku bala nabo bukende, ami nka mu kosela ne ku monaula mu balongo bandi. Ku lenga ishidikei, mwikale ba lwafyo pantu ami ndi Mwine Nkambo Leza wenu. Levi 20:6-7. Yenka Yesu Kristu i wa kundapa mupiritu wetu ne mutima ne mubidi wetu kumo. Ye mwine u ku lekela bubi bobo. Ye mwine u kundapa malwele obe onso. Nimbo 103:1-3. Kabidi ange muntu u bela, ete bakulampe ba kipwilo, beye ba mu lombelele, ne ku mu shinga mafuta mu dizina dya Nkambo. Ne milombelo ya lwitabilo i ka pulusha mulwele. Nkambo u ka mu langula, kabidi ange i bubi bo a bala, sanga u ka lekelwa. Ku lenga ki saka mwisapule bubi bwenu anwe bene ne bene, ne kwilombelela amba mu koshe ku pwiwa. Milombelo yo a lombela mololoke ne busumininwe i di ne bulobo lwine. Yakoba 5:14-16.

Obe wa ku bula kwitabila, pa ku tanga mu dino dibuku Mwine Leza u ku laka amba, Lapila ne kwitabila. Adi mutima obe wa pala fulwe. U languluka amba, Kenshi ngitabile binobino yo. Na ki pembela. Kenshi nakile Leza lelo yo, poso kensha, nansha ku lumingu lukwabo, nansha ku mwaka. Ungi amba, Na kipusha mulume wami, ebiya nketabila. Ungi amba. Na kipusha mukashi wami. Ungi amba, Na ki ambaula ne tata, mu bule kyo nanguluka. Ungi amba, Na ki songola, ebiya nka languluka mwanda wa kwitabila. Ungi amba, Na

ki twesha bana bami kisungu. Kanshi obe wa sula diwi dya Mwine Leza, u teya matwi ku diwi dya Satana u saka ku ku dimba. Ange u kane diwi dya Mwine Leza lelo, mutima obe u ka kosa po, byonka bidi kitele kya fulwe.

5. KISUMPA

Kisumpa i nyama mukadi lwine. Wi tu sontela musango wa bukadi budi mu mitima ya bantu. Muntu wa bukadi wingoba bya ku bipa lwine pa ku kadipa. Bangi bakadi ba tukana pa ku kadipa, bangi bepaya bakwabo. Nansha i muntu wa mutende, ange a tendeke ku toma, ne bukadi bwa iya. Bamo ba mwenso ba toma lwine mwanda wa ku saka mwenso u pwe, ebiya ba kolomoka kuba bya ku bipa byo ba pingile kala. Abi byo ba toma i pamo ne bulembe bwa banyoka ne sumu mukadi wa bipidi. Ku Pituluka 32:33. Atwe bamyanda twa temwa kubila bakwetu kyo be tubila, adi Mwine Leza i wa ku lwisha bana bandi. Nkambo Yesu amba, Temwai ba kwi mi fulwa. Mwine Leza kenshi e tu lekele myanda ange twa kana ku lekela bakwetu myanda yabo.

6. NYOKA

Nyoka wa di wa ku wama lwine kala, lo kange ku lenga ba Adamu ne Eva ku bala myanda ne ku leka ku pwana ne Mwine Leza. Satana wa umfwine kikonko pa ku mona aye mwine ba mu panga kwi Mwine Leza, adi ba Adamu ne Eva be ba pa ntanda ya ku wama. Wa pingile ku fuluñanya kipwani kyabo ne Leza. Ne kine wa uba, ba pona. Ne obe lelo kipale wa umfwa bukwa ku mutima. Bakwenu ba sekela obe wa fitwa mwanda wa bukwa. Nansha atwe bena Kristu ba mu midimo ya Leza tu kengele, kenshi tumfwe bukwa pa ku mona bakwetu be tu kila mu midimo, ne Mwine Leza wi besela dyese, bantu betabila lo ba sapula. Ba bukwa pangi ba pinga ku lowa bakwabo mwanda wa ku mona ba di mutende, ne ku fitwa pa ku mona dyese dyabo. Bukwa bwa kadipa bwa kalunga nyembo. Lwimbo 8:6.

7. BOMBWE

Bombwe u dya twishi. Babombwe bamo ba dya dye, ku pela ba sabika. Bombwe wi tu langulusha butube. Ba ku

tuba kenshi ba saka ku pela bakwabo bidyo. Bangi ka ba di ne lwinso pa bidyo, poso pa ndalama. Ku temwa ndalama kyo kishinte kya bibi byonso. 1 Timote 6:10. Ba ku temwa ndalama beseka kwimwena busambashi, pangi mu ku dimba bakwabo. Be tu dimuna amba, Ke ku tula busambashi bwenu panopanshi, padi mpemfu ne ndalabwa bya konaula, kabidi padi ne bangifi ba toba mazubo ne kwiba. Adi tulai bya busambashi bwenu mwiulu mwa ku bula mpemfu, nansha ndalabwa ya konaula, mwa ku bula ku twela nansha bangifi ba kwiba. Pantu kudi bya busambashi bobo ko kudi ne mutima obe. Mateo 6:19-21. Akani wa fwile mwanda wa ku temwa nsahabu ne mpalata ne aki kisandi kya ku wama. Wa pokele bintu byo ba shidike kwi Mwine Leza. Yoshua 7. Yudasa Isakariota nandi wa onaike mwanda wa ku temwa ndalama. Mateo 27:3-5.

8. SATANA

Satana i shabo dya babubela bonso. I aye u swaka abi binyama byonso bidi mu mutima wa au muntu udi pa kipikyala. Aye wikala mu mitima ya ba ku bula kwitabila. Nkambo Yesu wa lakile bantu amba, Mu di ba kwa shenu diabola, mwa temwa kuba bya lwinso bya shenu. Lo a laka bya bubela, u laka byonka bi di mwi aye mwine, pantu i wa bubela ne shandi dya bubela. Yoano 8:44.

9. KABANGABANGA

Kabangabanga ka sonta pa mutima wa muntu, u mu shinina lo a bifya. Adi kuno twa mona muntu wa mutima wa ku fita bwi, mwanda wa bubu bwandi ne misango yandi ya ku bipa. Ku lenga kenshi u kidi ne milangwe pa ku bifya yo. Heberu 10:22.

10. DINSO

Menso la Leza a tala konso, a mona byonso bidi mu mutima wa muntu. Kutupu kintu kyo tu kosha ku mu fisa. Menso adi i bwa lubebe lwa mudilo. Aye wa yuka milangwe yonso ya mu mutima wa muntu. Nansha tu bala myanda bufuku, nansha tya fyama muntanda, nansha i pi, Mwine Leza u mona byonso.

11. MALAIKA

Malaika i wa kwi tu langulusha byo Mwine Leza u tuma ba midimo bandi kwi tu bula myanda yandi. Leza u tuma ku laka ba bubu amba ba lapile, amba kikela ki pange mfinshi mu mitima yabo. Languluka byo Mwine Leza u saka umfwe diwi dyandi pa ku tanga ino myanda.

12. NKUNDA

Nkunda i koni ka ku naka ka sonta pa Muspiritu wa kine, u fwitikisha bantu mwanda wa bubu, mwanda wa bololoke, ne mwanda wa kidye. Mwa mona pa kipikyala Muspiritu kenshi wa ikala ku mutima wa au muntu, mwanda i muntu wa ku bula ku lapila ku bubu bwandi.

13. TUMIDILO

Atu tumidilo twa shunguluka mutima wa au muntu wa myanda tu sonta pa butemwe bwa Leza bwa kwi tu shunguluka konso lubadi. Leza kenshi wa temwa mubi ku fwa mu bubu bwandi. U saka a lapile ne ku mona mweo. Nkambo Yesu wa ishile ku pulusha babi. Kudi lusekelo lukata mwiulu pa wa bubu umo wa ku lapila. Leza u saka ku tokesha mitima yenu. Mashi a Mwana wandi Yesu e tu tokesha ku bubu bonso. Leza u saka bantu ba yuke butemwe bwandi. Nkambo Yesu wa imana pa kibelo ne ku pika hodi. Ange mwa swa ku shinkula bibi bya mitima yenu, u ka twela ne kwi mi tokesha ku bubu bwenu.

2. KIPIKYALA KYA BUBIDI

Kipikyala kya bubu ki tu langa muntu wa ku tendeka ku lapila ne ku saka Leza. Malaika wa kwata lupanga mu kuboko, i lupanga lwa mwanda wa Leza. Mwanda wa Leza i mumi. Udi ne bulobo, kabidi wa twa ku kila ne lupanga lwa bwile kubidi. U twela mu bukata ne ku lekanya mutima ne muspiritu, pamo na ku lekanya bilundilo bya bikupa ne minenge. U kosha ku pima ne milangwe ya bantu, ne byonso byo ba pinga mu mitima yabo. Heberu 4:12. Mukanda wa Leza wi tu laka amba, Mfweto ya bubu i lufu. Roma 6:23. Bantu ba tongwelwa ku fwa dimo bitu, ebiya ku lutwe ke



2. KIIKYALA KYA BUBIDI

kidyeye. Heberu 9:27. Ba ku bula kwitabila, pabo po padi mu kishiba ki tema mudilo ne kibiliti.

Mu kuboko kukwabo malaika wa kwata mutwe wa mufu. I mwanda wa ku bula au muntu byo lufu ludipo. Twa temwa mibidi yetu, twi i lama ne kwi i disha ne kwi i fwika. Tu nakila lwinso lwa mibidi yetu, adi mawe, i ka fwa bitu ne ku bola. Adi atwe bene tu kemana mu kidyeye kya Leza. Twa mona au muntu wa tendeka ku teya matwi ku muanda ya Leza. Wa shinkula mutima wandi, wa itabila, Muspiritu wa twela. Kikela kya Leza kya tendeka ku panga mfinshi. Butemwe bwa Leza bwa leta kyuya mu mutima wandi. Talai abi binyama bya tendeka ku nyema. Au muntu wa tendeka ku kana bubu.

Ne obe wa myanda nobe, u tweshe Nkambo Yesu mu mutima obe. Aye i dyuba dya pano pantanda. Ange wa mwitabila sanga byonso bya mfinshi bi ka nyema. Yesu amba, Ami ndi kikela kya pano pantanda. Wa ku nonda kenshi a kende mu mfinshi, adi u kekala ne kikela kya mweo. Yoano 8:12. Bamo ba temwa mfinshi mwanda byubilo byabo bya bipa. Lo Nkambo Yesu a twelele mu Nzubo ya Leza ku Yerusalema, wa pangile ba ku potesha bañombe ne mikoko ne bankunda ne ku palañanya ndalama ya banshintwishi ne kwi ba laka amba, Nzubo yami i kekala nzubo ya milombelo, adi anwe mwi i sangula ke muta wa tupondo. Mateo 21:13. Atwe bena Kristu, mitima yetu yo nzubo ya Leza. Nkambo Yesu kenshi wi tu lekela bitu myanda yetu yo, u saka kwi tu pokolola ku bulobo bwa bubu. Ange Mwana e mi fungule, sanga kine mu di bana ba bene. Yoano 8:36.

3. KIPIKYALA KYA BUSATU

Pano twa mona mutima wa muntu wa ku lapila mu kine. Wa umfwa mu mutima wandi byo bubu bwandi bwa baya. Wa yuka amba, I bubu bwami bwa lengele Nkambo Yesu ku popwa pa musalabu. Pa ku tanga mwanda wa lufu lwa Nkambo Yesu pa musalabu, mutima wandi, wa naka. Wa languluka byo Nkambo Yesu mwana wa mukoko wa Leza




3. KIPIKYALA KYA BUSATU

wa tambya bubi bwandi pa ku mu fwila. Udi ne milangwe mikata pa ku teleka byo Nkambo Yesu wa puminwe ne ku fwikwa kitebo kya miba, ne byo ba popele misumadi mu maboko andi ne mu maulu. Pa ku tanga myanda ya Leza wa mona byo bubi bwandi i bukata lwine. Wa tutuma ne ku fitwa, ne ku tendeka ku dila. Leza wa fwena ko adi. Mashi a Yesu Kristu a mu tokesha ku bubi bwandi bonso. Butemwe bwa Leza bwa yusha mutima wandi, wa mona mutende. Wa yuka dino byo Nkambo udi pepi ne ba mitima mitimuke. U pulusha ba mitima mipungile. Ñimbo 34:18. Undapa ba mitima mitimuke. U kuta bilonda byabo. Ñimbo 147:3. Muntu ye nka tala menso ami, i awa wa kwifwalamya, wa mutima mufite, awa u tutuma pa kumfwa myanda yami. Isaya 66:2.

Muspiritu wa lwafyo wa twela mu mutima wa au muntu, wi u yusha butemwe bwa Leza. Wa tala musalabu, wa ketekela mashi a Kristu a itike kwi tu pulusha, wa yuka dino amba, Myanda yami ya pwa. Wa yuka byo mashi a Yesu mwana wa Leza a mu tokesha ku bubi bwandi bonso. Wa kwitabila mwi Nkambo Yesu kenshi onaike, kanshi wa poka mweo wa nyeke. Tangai mu Yoano 3:16. I mwi aye mo tu mwena bukuji, ne lulekelo lwa myanda yetu mu mashi andi, monka mwaila bupe bwandi bukata. Efesa 1:7. Mutima wandi dino ke mupya mwanda wa Muspiritu wa twelamo. Wa leka ku temwa bintu bya pano pantanda, ka sake bya mwiulu. Talai abi binyama bya ku sonta pa bubi bwandi bya nyema. Talai Satana wa fulwa pa ku fumiwa mu mutima wandi, u talako ne ku languluka amba, Nkeseka ku twelamo dibidi. Ekyo be tu lakila amba, Tengelai ne ku lombela. Konka ku kana diwi dya Satana, sanga u ke mi nyema.

4. KIPIKYALA KYA BUNA

Pano twa mona mwina Kristu udi mutende, wa kulwa mwanda wa lufu lwa Nkambo Yesu mupulushi wandi. Aye amba, Ami ke kwesha kwitota nansha panene, poso pa mwanda wa musalabu wa Nkambo wetu Yesu Kristu. Kwi ami bintu byonso bya pano pantanda bya popwa pa musalabu mwanda wa aye. Kabidi ne ami mwine na popwa pa musalabu, na



4

4. KIPIKYALA KYA BUNA

fwa ku bintu byonso bya pano pantanda. Galatia 6:14. Mwina Kristu u kana bya pano pantanda pamo na wa fwa kala. Be tu kambisha amba, Londai Muspiritu, kabidi ke kuba bi saila buntunshi. Galatia 5:16-25. Kabidi amba, Mwikale ba kwishidika, mwanda muntu wa ku bula kwishidika kenshi a ka mu mone Nkambo. Heberu 12:14. Ko ku laka amba ki saka kwishidika.

Talai bintu bi mweka pa kipikyala. Padi dipanda ko ba mu kutile Nkambo Yesu pa ku mu puma. Talai mfimbo yo ba mu pumineko. Wa tapilwe mwanda wa ubi bwetu. Twa undapwa mwanda wa mikakamfi yandi. Isaya 53:5. Mulopwe Heroda ne bantu bandi ba mu sekele kibengo ne ku mu fwika nkansu ya ku tila. Ne bashidikale ba lukile kilukwa kya miba ne ku mu fwika pa mutwe, ne ditete mu kuboko kwandi kwa ludyo, mwanda wa kwesekesha musango wa ku swana bulopwe, ebiya ba fukama ne ku mu punika amba, Kashinde mulopwe! Ba mu shipila mate, ne ku poka ditete ka ba mu pume pa mutwe. Pa ku pwa ku mu punika ba mu twala, ba ka mu popa pa musalabu.

Tu languluke, bengi ba kwitela bu bena Kristu ba popa Nkambo wabo pa musalabu lelo. Ba pwila ne ku fika ku mesa ya Nkambo, ne kwimba ñimbo ya Leza, adi byubilo byabo bya bipa. Kenshi bonso ba ndaka amba, Nkambo, Nkambo, ba ka twela mu bulopwe bwa mwiulu, poso bonka boba bi saka Tata wa mwiulu. Mateo 7:21-27. Talai kibokolo kya Yudasa mo a tudile ndalama yandi. Yudasa wa pelwe ndalama makumi asatu mwanda wa ku sokola Nkambo Yesu ku balwani. Butemwe bwa ndalama bwa mu pofwile. Talai malampi ne byela ne byonso bya letele bakabo ke lo ba ishile ku kwata Nkambo Yesu bufuku. Talai ne mibela yo ba teyele pa ku saka ku poka nkansu ya Nkambo, monka mwa lakile ñanga musapwishi wa kala amba, Be abanya bifwalwa byami, ne kisandi kyami be ki teyela lubese. Ñimbo 22:18.

Umo wa bashidikale wa mwasile Nkambo Yesu mu mbafu, ponka apo ka mu tambe mashi ne mema. Yoano 19:33-37. Talai kombolwe. Lo kombolwe kange ku dila Petero wa

kene Nkambo Yesu lo ba mwipwishe kwi nsongwakashi. Adi ku pita kashita kanene wa lapila ne ku dila lwine. Anwe i byepi? Mu mu lakila Nkambo Yesu ku bantu ani? Kamba mu tina. Nkambo Yesu amba, Muntu wa ku ndakila ku menso a bantu, nami nka mu lakila ku menso a Tata wa mwiulu. Mateo 10:32-33. Kabidi amba, Wa ku bula ku sela musalabu wandi ne ku nonda, ka mfwanine yo. Mateo 10:38.

Kibwe kyami kya nyeke, Nyeme nifise mobe.
A mema ne milopa, Mu mbafu bya tambile,
Bikale ku ñundapa, Ne ku nsamfya ku bubu.


KIPIKYALA KYA BUTANO

Monaipo muntu wa ku puluka. Wa tokeshiwa ku bubu bwandi, wa shidikwa. Leza wa mu belela lusa. Mutima wandi i nzubo ya Leza dino. Leza Tata ne Leza Mwana ne Muspiritu wa lwafyo badi monka. Nkambo Yesu wa laka amba, Ange muntu wa ntemwa u ka lama mwanda wami, ne Tata u ka mu temwa, netu tu keya kwi aye, ne kwikadidila nandi. Yoano 14:23. Leza wesela bantu mwi Yesu Kristu. Luka 1:52.

Muspiritu wa lwafyo wa ikala mu mutima wa au muntu. Wa leka bubu. Abi binyama bya ku sonta pa bubu bya tamba. Satana kenshi wa bikala mu mutima wandi dino yo. Kenshi u sokola byubilo bya buntunshi, u sokola bipangwa bya Muspiritu. Mutima wandi i pamo ne budimi budi ne biti bya ku panga bipangwa bya ku wama, butemwe, lusekelo, mutende, ku teka mutima, lusa, mutima wa ku wama, bu muntu wa kishinka, bukokekoke, ku tekanya pa byonso. Galatia 5:22. Au muntu wa sanguka bu mulundu wa kine wa nsabibu. Nsabibu i Nkambo Yesu. Wa kelwa mwi Kristu, Kristu nandi wa kelwa mwi aye. Ku lenga u panga bipangwa nshita yonso. Yoano 15:1-10. U lama myanda ya Nkambo Yesu. Wa yulwa ne Muspiritu wa lwafyo. Udi ne bulobo bwa ku nakila diwi dya Muspiritu wa lwafyo. Kenshi wa ketekela bya pano pantanda bya buntunshi. Wa itabila, wa mona mweo. Wa semwa kwi Leza ye wi pa shinda pano pantanda. Lwitabilo lwetu lo lwi pa shinda pano pantanda. 1 Yoano 5:4.

BUTEMWE
LUSEKELO
MUTENDE
KU TEKA MUTIMA

LUSA
MUTIMA WA KU WAMA
BU MUNTU WA KISHINKA
BUKOKEKOKE
KU TEKANYA PA BYONSO



5. KIPIKYALA KYA BUTANO


U sekela mu butemwe bwa Leza. U mona bulobo pa ku languluka byo Nkambo Yesu ke pepi ne ku bwela.

Ba mitima ya ku toka i ba dyese, pantu ba ka mona Leza. Mateo 5:8. Mulopwe Davida wa lombele pe au mwanda amba, Obe Leza u mpangile mutima wa ku toka. U bike munda mwami mutima mupya wa bulobo. Nĩmbo 51:10. Kenshi wiketekele amba, Ndi biya, mwanda kala na ipeye aki kimuntu Goliata ne ku shinda balwani. Kenshi tu kosha kwitokesha mitima atwe bene. Ki saka tu lapile ne ku sokola myanda yetu kwi Mwine Leza, ne ku leka ubi bwetu, byonka bya ubile mulopwe Davida. Ne au mwana wa ile mu ntanda ingi wa ubile byonka abi. Wa shile bangulube ne ku bwelela kwi shandi, wa mu laka amba, Tata na bala myanda kwiulu ne kwi obe. Ange muntu wa uba abi ne ku lapila mu kine, Mwine Leza u mu kwasha. Leza amba, Nke mi pela mutima mupya. Nke mi bika mupiritu mupya munda mwenu. Nka fumyamo mutima wa dibwe. Nka bika mupiritu wami munda mwenu. Nke mi lenga ku kosha kwendela mwaila mijilo yami. Ezekela 36:26. Kine Mwine Leza wi tu lungikila kipwani kipya monka mo a lakila, kya mu mashi a mwana wandi Yesu Kristu.

Talai pa kipikyala malaika wa mweka. Bamalaika ba tumwa kwi tu kwasha atwe ba shukila lupulukilo. Malaika wa Nkambo wi ba shokoloka bwa zamu ne kwi ba pokolola aba ba mu tina. Nĩmbo 34:7, ne 91:11, Daniela 6:22, Mateo 2:13, ne 18:10, Byubilo 5:19, ne 12:7-10. Satana nandi wa mweka pa kipikyala, wa imana pepi ne au muntu, weseka ku twela dibidi mu mutima wandi. Be tu laka amba, Tekanyai ne ku dimuka. Diabola, mulwani wenu, wenda u shokoloka bwa ntambo u buluma, u saka ba ku dya. 1 Petero 5:8. Satana mu mu kosele, sanga u ka nyema, u ka fuma ko mu di. Yakoba 4:7.

6. KIPIKYALA KYA MUKAKA

Monaipo kipikyala kya ku bipa kya muntu wa ku bwelela mnyuma. Dinso dimo dya shibata. Mutima wandi wa tendeka



6. KIPIKYALA KYA MUKAKA

ku talala, wa pona mu tulo, Dinso dimo di tala bya pano pantanda. Kikela kya Leza kya shima. Kenshi u saka ku manamina Kristu yo. Satana wa mu kolomona. Wa tendeka ku mu nakila. Bunkolwankolwa bu pika hodi. Bantu ba mu senga amba, Toma tubusele tunene, nansha munkoyo bitu, amba munkoyo kenshi wa bipa yo, ange kange ku bila. Kadi ku yuka amba tubusele nansha munkoyo i pamo ne kamukola kenene, ka itulwila mu kimukola kikata kya bunkolwankolwa. Pangi ange muntu wa toma u tendeka ku languluka bubu, ne ku temwa dyashi dya ku bipa, u nanga ne bantu ba bubu, pangi u tanwa po bomba ñoma ne kwimba ñimbo ya ku bipa ne ku kinda. Kamba wa teleka bamo ba mu laka amba, Bena Kristu benga kinda bi kinda bazungu, amba au musango wa wama, poso musango wa kuno kwetu o wa bipa. Ba mu bepa. Ku kinda ku kolomona bubu. I pamo ne fwanka, nansha u tome wa bazungu nansha wa kuno, byonso bya bipa. Mwina Kristu wa ku londa Nkambo biya kenshi u toma bifwanka, yo.

Ki saka banabakashi nabo ba dimuke. Pangi benga busele bwa ku potesha, nansha munkoyo. Abo amba, Kenshi tu bifya mwanda kenshi tu toma atwe bene yo. Kanshi bedimba mwanda ba lenga bakwabo ku kolwa.

Kabidi pangi Satana u laka muntu amba, Ange wa bala dimo bitu kenshi i mwanda. Ku lenga kibanda kya bubu kya twela mu mutima wandi, kya mu nonka.

Talai muntu udi pa kipikyala, udi ne mwambi, wa asa mukwabo pa mutima. U sonta pa ba kapuni ba punika bena Kristu. Byo ba laka bi basa ku mitima. Au muntu wa ku bwelela munyuma wa filwa kwimana biya pa kumfwa kapuni ka bakwabo. Wa tendeka ku tina bi laka bantu. Wa leka ku tina Mwina Leza.

Bamo ba bwelela munyuma pa ku mona mikokolo. Bangi ba filwa ku teka mitima pa ku kolomonwa. Ba tendeka ku kadipa ne ku laka bya matuka. Muntu wadi ku lombela ne kwimba ka tukana dino. Ungi u kwatwa ne kikonko. Pa ku

mona bakwabo ba shuka, aye wa shama wa fitwa, Satana wa mu kwata. Ne butemwe bwa ndalama nabo bu bwesha bantu munyuma. Nkambo Yesu wi tu dimuna amba, Ke ku lala, lombelai, ku tina mwa ka twela mu kwesekwa. Mateo 26:41. Ku lenga wa ku ketekela amba, Na imana, a kengele wa ka pona. 1 Korinda 10:12. Ki saka ku fwala byela byonso bya bulwi bya Leza, amba tu koshe kwimana biya pa ku benswa kwi Diabola. Efesa 6:11-18.

7. KIPIKYALA KYA MUSAMFU

Twa mona pano musango wa muntu wa posa byonso bya bwina Leza. Monka mo kya lembelwa amba, Ba mwene kala kikela kya Leza, ba tompa ne ku bupe bwa mwiulu. Aba ba pokeleko ne bya bupe bya Muspiritu wa lwafyo. Heberu 6:4. Adi ba sula byonso ne ku bwelela mu bya pano pantanda. I musango wa muntu wa ku sapwilwa dingi myanda ya Leza, wa yukidisha, adi wa kosakana, wa kana ku lapila. Wa ikala ku bala bubu nshita yonso.

Nkambo Yesu wi tu bula musango wa muntu wa ku bula kwitabila mu kine, wa bwelela munyuma. Kibanda lo kya pwa ku tamba mu muntu, kyendauka mu bifulo mwa ku bula mema, ku saka kifulo pa ku tusha, lo kya filwa ku mona ka ki lake amba, Ke nka bwelela ku nzubo yami ko na fumine. Ne kine kya ka bwela, kya tana ba pyangamo ne ku wamyamo biya. Ebiya kya ya, kya ka saka bibanda bingi musamfu, bya kwi ki kila ku bipa. Luka 11:24-27. Ki ba mwekela monka mwa lakila kishimikisho amba, Kabwa ka bwelela ku byo ka lasa, ne ngulube ye ba samfya walañana ponka mu matipa. 2 Petero 2:22.

Twa mona mutima wa au muntu. Bubi bwa yula monka, bwa mongola. Nansha bantu pa ku mu tala bitu, ba yuka amba i wa bubu. Muspiritu wa Leza wa kana kwikala mu mutima wandi. Kenshi wikala mu mitima ya ba kwikala ku bala myanda. Kikela ne mfinshi kenshi bi kosha ku pwana. Mutima wa muntu kenshi u kosha kwikala bu nzubo ya Leza ne bu nzubo ya Satana kumo. Malaika wa fitwa, wa ya, ino wenda



7. KIPIKYALA KYA MUSAMFU

u tala kunyuma amba, Kipale au muntu wa ya a lapile, pamo ne au nsongwalume wadi ku disha bangulube. Aye wa lapile mu kine ne ku languluka lwine byo a bifishe, ku lenga shandi wa mu lekele myanda, wa mwipayile kañombe ka ku nuna, wa mu pokelele mu nzubo yandi dibidi.

Adi au muntu wa pa kipikyala kadi ku lapila yo. Kadi ku pona panshi ku papatila Nkambo Yesu amba a mu lekele myanda, ne ku mu tokesha ku bubu bwandi. Mutima wandi wa sanguka bwa dibwe mwanda wa misula yandi. Kadi ne matwi a ku teleka diwi dya Mwine Leza u mwita. Menso andi a pofuka. Kadi ku mona lukena mo a ya a ponene binobino. Kenshi umfwa nsoni dino pa ku bala. U bifya pa toka. Satana shandi dya bubela wa bikala mu mutima wandi. Muspiritu wa kine wa kana ku twelamo. Talai binyama bya yulamo dibidi. Bibanda bi ba leta. Adi au muntu kenshi a koshe ku fumyamo bibanda yo. Ke musha wabyo. Monka mo ba lakila amba, Muntu wa ku jilula Mijilo ya Mosesa, ba mwipaya kwa ku bula lusa pa tunwa twa bamboni babidi, nansha basatu. Ange langulukai dino malwa bukata a ka fwanina ku mona awa muntu wa pwa ku nyantaula Mwana wa Leza panshi, ne ku sula bitu bwa binangwa a mashi a kipwani a ku mu shidika, kabidi wa tuka ne Muspiritu mwine wa bupe. Heberu 10:28-31. Tangai ne mu 2 Petero 2:1-14.

Bangi wela nangwa ba bwelela munyuma, ba ki tekanya ku menso a bantu. Adi badi pamo ne mashimbwe o ba shinga na lupemba. A mweka ku wama pantanda, adi mu bukata mwa yula bikupa bya bafu ne busadi bwa misango yonso. Mateo 23:27.

Obe wa ku tanga ino myanda, ange udi wa ku bwelela munyuma, u tendeke ku didila kwi Mwine Leza ne mutima obe onso, a ku pulushe. Aye wa yuka ku fumya Satana ne bibanda byandi mu mutima obe ange obe mwine wa swa. Iya kwi Nkambo Yesu byonka bya ishile au wa mbumba wa lakile amba, Ange wa swa wa kosha ku ñundapa. Nkambo Yesu wa mu laka amba, Na swa, undapwe. Marko 1:40-43. Adi ange wa kosakana ne ku temwa mfinshi ne ku kana

kikela, sanga kwapwa. Kutupu u ka ku kwasha, ke pantu obe mwine wa kana mweo, wa tongola lufu. Wa kana kikela, wa tongola mfinshi.

8. KIPIKYALA KYA MUNANE

Twa mona mubi wa ku bula ku lapila. Wa bwelela munyuma, kadi ku leka bubu bwandi. Lufu lwandi lwa fika. Udi mu misongo mikata. Mutima wandi wa tutuma pa ku languluka lufu. Talai lufu lwa iya ku mu kwata. Kadi ku ketekela amba, Na ya ku fwa. Wa papukilwa nalo bitu. Wadi ku sekela mu bubu, adi dino lusekelo lwandi lwa pwa. Wa ya a poke mfweto ya bubu bwandi, ke lufu kabidi. Misongo ya gehena ya mu kwata kala. Wa umfwa mwenso mukata. Wa filwa ku lombela, wa filwa kwambaula ne Mwine Leza. Abo bo adi ku kaya nabo mu bubu ba filwa ku mu tembelesha. Ndalama yandi yonso i ya kele dino, kenshi i koshe ku mu kula ku lufu. Satana wa imana pepi. Kenshi a mu leke ku languluka Nkambo Yesu. Bañanga ba bubela ba mu shinka matwi, ba filwa ku mu kwasha. Wa tendeka ku yuka byo kya afya lwine ku ponena mu maboko a Leza mumi. Kala wadi ku languluka amba, Ange ke pepi ne lufu sanga ninga lapila. Wa mona dino amba, Na lenda, nshita ya pita.


Bengi ba fwa byonka abi, ba papukilwa nalo kwa ku bula ku mona nshita ya ku lapila. Tu tanga amba, Mu sakei Yehova lo a ki monwa, mwitei lo a kidi pepi. Talai au muntu u fwa bitu, kutupu wa tanwapo wa ku mu bula myanda ya Leza. Wa kene kumfwa mafunde, wa sudile lusa lwa Leza ne ku kana bupe bwandi. Dino pa shala kumfwa diwi dya sushi di ka mu laka amba, Mfuminei apa, anwe bafingwe. Yangai mu mudilo wa pe, ye ba lungikila Diabola ne bamalaika bandi. Mateo 25:41. Bantu ba tongwelwa ku fwa dimo bitu, ebiya ku lutwe ke kidye. Heberu 9:27.

9. KIPIKYALA KYA SHENDA

Twa mona mwina Kristu wa kine wa ku shinda mikokolo yonso i leta Satana ne byonso bya buntunshi bya ku mu



8. KIPIKYALA KYA SHENDA



9. KIPKYALA KYA SHENDA

kolomona. Aye wa tabaniwa ne kwesekwa monso monso, adi wa kakatila ne ku mpelesho. Aye u shinda mu bulobo bwa Nkambo Yesu. U nyema biya luno lubilo lwa kwipima lo tudi nalo. U tala yenka Yesu, mwine Kilongoshi wa Iwitabilo Iwetu, wa kwi lu lenga ku lumbuluka biya. Heberu 12:1,2.

Satana ne bibanda byandi beseka ku twela mu mutima wandi, adi ba filwa. Bintu bingi byeseka ku twela, ne bwisanswishi, ne butemwe bwa ndalama, ne bubu. Kenshi twa mona kabwa ne kisumpa dino yo. Twa mona binyama bingi, pepe ne kimbulu. I mwanda wa kwi tu kengesha, ke pantu bubu budi kwialula amba kenshi twi bu yuke. Adi mwina Kristu wa ku kengela wa yuka, nansha bubu bwa fyama ne ku bepesha bwina Leza, nansha bwa iya bu malaika wa kikela. Udi ne Mwanda wa Leza ne Muspiritu wa lwafyo mu mutima wandi, bi mu londwela mu byonso bya kine, ne ku mu kwasha ku salamo biya ne bibi. Monai binyama bingi ne bibanda bya kwi bi leta. Monai kabidi muntu wiya u mu letela bya ku toma wenda u kinda. U saka ku kolomona mwina Leza a tendeke ku toma ne ku kinda, ne ku londa byonso bya pano panshi dibidi. Adi au mwina Kristu i wa kwishidika, wilambula kwi Mwine Leza. Aye u kana bya bubu ne byonso bya pano pantanda. Bubu pa ku mu kolomona, u fwena kwi Nkambo Yesu. Talai au muntu ungi u mwasa mwambi. Kine ange muntu wa enda biya mu bwina Kristu, ba ku bula kwitabila ne bena Kristu ba bubela ba mu baba ne ku mu lakila bibi. Aye u languluka bitu myanda ya lakile Nkambo Yesu amba, Dyese dyenu lo bantu ba ke mi tuka, ne kwi mi panga panga, ne kwi mi lakisha misango yonso ya bubu kwa bubela mwanda wa amiwa. Kasha mu sekela ne ku sangala po mfweto yenu i mikata mwiulu. Mateo 5:11,12.

Satana ne bubu ne buntunshi bwandi, byonso byeseka ku lekanya mwina Kristu ku butemwe bwa Leza. Adi aye mutima po, amba, I ani u ke tu lekanya ku butemwe bwa Kristu? Kamba i lumanamo, nansha mikokolo, nansha lupangopango, nansha kipowe, nansha bwamba, nansha lufu, nansha lupanga? Mu bino byonso twa shinda ku kila ne mu ku shinda, mwanda wa Mwine wi tu temwa. Roma 8:35-39.

Mwina Kristu u fwala byela byonso bya bulwi bya Leza, ku lenga wa yuka kwimana biya mu lufuku lwa bubu. U shinda buntunshi bwandi ne byonso bikwabo ku bulobo bwa Muspiritu. Kristu wikala mu mutima wandi wa kila Satana bulobo. Udi mu mitima yenu wa kila awa udi mu ba pano pantanda. 1 Yoano 4:4. Yesu Kristu wa shindile Satana ne bubu ne lufu. Atwe tu shinda monka mu bulobo bwandi. Ba ku shinda bo ba ka pewa kitebo kya mweo.

Talai kabangabanga pa kipikyala. Ka toka to. I mwanda mutima wa au mwina Kristu udi biya. Kenshi u mu shinina. Wa yulwa lwitabilo ne Muspiritu wa lwafyo. Malaika wa Leza u mu langulusha byonso bya ku wama bya layilwa ba ku shinda, ba ku kakatila ne ku mpelesho. Bimwesho 2:7,11,17,16 ne 3:5,12,12.

Twa mona kibokolo kya ndalama kenshi ba kutisha, ndalama i fumamo. I kwi tu bula byo ndalama yandi ne byonso byandi bya lambulwa kwi Mwine Leza. Kenshi u posa ndalama yandi mu bintu bya kele, u kwasha balanda, u pana kya dikumi kwi Mwine Leza. U pana ndalama yandi ku kwasha midimo ya Leza, kenshi udi ne butani. Talai disabi ne mukate. I kwi tu bula byo u dya bya ku mu fwanina, kenshi muntu wa ku toma, kenshi u toma bifwanka bya konaula mubidi wandi. U languluka byo mubidi wandi i nzubo ya Leza. U pwila dingi kumfwa mwanda wa Leza. Nansha kudi mfula kenshi u shikilwa. I muntu wa ku temwa ku lombela nshita yonso, nansha kwandi ku nzubo, nansha mu kipwilo. Kabidi u tanga pe ne ku lombela ku nzubo ne mukashi ne bana. Wa yuka amba, Mwina Kristu kenshi a koshe kwikala kwa ku bula ku lombela, byonka byo disabi kenshi di kosha kwikala kwa ku bula mema. Monai mukanda wa Leza pa kipikyala. Aye u tangamo pe, i dilampi kya ku mu munikila mu dishinda. I lupanga lwa ku shindilako Satana. I bidyo bya mwiulu bya ku disha mutima wandi. I mema a ku pwisha kilaka kyandi. Kabidi mwanda wa Leza i pamo ne mema a ku sambamo, ne dikalasi dya kwitadilamo.

Mwina Kristu wa kine kenshi u kana ku sela musalabu wa

Kristu. Ko ku laka amba u languluka byo aye wa popwa ne Kristu ku musalabu. U kana bya pano pantanda, wa shikwa ne Kristu ne ku langulwa nandi pamo, a londe dishinda dya mweo mupya. U saka abya bya ku bula ku mweka bya nyeke. U sekela pa ku languluka amba, Nkemoni ne Nkambo. Udi pamo ne kiti kya dimbwa ku mema, ki panga bipangwa pa nshita yakhyo. Udi bwa mulundu wa nsabibu wa ku panga bipangwa bingi. Kenshi u tina ku fwa, mwanda u saka ku kemona ne Nkambo wandi ye a temwa. Nimbo 1:1-3; Yoano 15:1-14; 1 Yoano 4:18-21.

10. KIPIKYALA KYA DIKUMI

Nkambo Yesu wa lakile amba, Ami ndi lulangukilo ne mweo. Wa kwitabila mwi ami, nansha wa fwa u kekala ne mweo. Ne muntu yense mumi wa kwitabila mwi ami, kenshi a ka fwe nansha panene. Yoano 11:25-26. Wa teleka mwanda wami ne ku mwitabila wa ntumine, u di ne mweo wa nyeke. Kabidi kenshi a ka twele mu kidye, adi wa fuma mu lufu, wa twela mu mweo. Yoano 5:24. Mwina Kristu kenshi u tina lufu ke pantu lufu lwa minwa, lwa shindwa. Obe lufu, bukashinde bobbe bu di pi? Obe lufu, lumona lobe lu di pi? Nsongo yobe ya ku sumaninako i di pi? Tu santila Leza ye wi tu pa bulobo bwa ku shinda, mwi Nkambo wetu Yesu Kristu. 1 Korinda 15:54-57.

Mwina Kristu pa ku mona nshita yandi ya ku kuka ya fika, u ya ne lusekelo konka kwa Leza ko a kekala nyeke ne Nkambo. Muluwe Polo wi tu laka amba, Na saila ku kuka ku kekala ne Kristu, kyo kya n̄wamina pakata. Filipi 1:23. Mwina Kristu u saila kwimona ne Nkambo Yesu ye wa mu fwidile pa musalabu, ne ku mu kula ne mashi andi. Muspiritu wa Leza u mu langulusha myanda ya lakile Nkambo Yesu amba, Ke ku koleshiwa mu mitima. Byo mwa itabila mwi Leza, mwitabile ne mwi ami. Mu nzubo ya Tata bifulo bya kwikalamo i bingi. Ange ka kwadi abi, ange ne mi bula. Kabidi nkeya ponka ne kwi mi twala ami mwine, amba ko ndi ami, nenu mwikale konka. Yoano 14:1-4. Bintu ka bingwe ku monwa ne menso a bantu, nansha ku telekwa na matwi,



10. KIPKYALA KYA DIKUMI

nansha ku langulukwa mu mitima yabo, byo abya byo Leza wa lungikila ba ku mu temwa. 1 Korinda 2:9. Bulaka bwi tu shinka, ne kanwa ka filwa ku lumbulula abi byonso bya lukumo bidi mwiulu, bya lungikilwa ba kwitabila mwi Nkambo Yesu, ne ku shinda.

Pa kipikyala twa mona musango wa lufu lwa mwina Kristu wa kine. Kutupu bya ku mu tutumya. Malaika wa Leza wa tumwa ku mu twala kwa Leza. U tusha mu kyeti kya Nkambo wandi ye a temwa. Pa ku fika ba mu sekelela. Nkambo wandi u mu laka amba, Wa uba biya, obe kalume wa ku wama ne ku tekanya. Twela mu lusekelo lwa Nkambo obe. Mateo 25:21. Satana kadi ne luhusa pe aye. Lufu lwa bantu bandi lwa nema ku menso a Nkambo. Nĩmbo 116:15. Na teleke diwi di fuma mwiulu amba, Lembu, Bafu ba ku fwila mwi Nkambo ku fuma ino nshita ba shuka. Muspiritu amba, Leka ba tushe ku midimo yabo, pantu byubilo byabo bi ba londa. Bimwesho 14:13.

Obe wa ku tanga, ange kunge kwitabila u lambule mutima obe kwi Nkambo Yesu. Aye amba, Mwana wami mpele mutima obe. Aye u ka ku pa mutima mupya. Ke ku leka mutima obe a ku dimbe. Ke ku londa lwinso lwa mutima obe, ke pantu wa ku ketekela mutima wandi mwine i mupunamu; adi wa kwenda mwaila mano u ka pokololwa. Bishimikisho 28:26. Leka bubu bobu. U kakatila ku bololoke. Mfweto ya bubu i lufu, adi bupe bwa Leza i mweo wa nyeke, o a pana mwi Yesu Kristu Nkambo wetu. Roma 6:23.

Ne obe wa kwitabila, wa kwilambula kala kwi Mwine Leza, londa bitu lufundishilo lutuntulu lo wa pewa, mu lwitabilo ne butemwe bwa Kristu. Wa yuka byo aye u kosha ku lama akya kyo wa mu fikidisha, ku fika ne ku alwa lufuku. 2 Timote 1:12. Kasha mwitama bene ne bene mu lwitabilo lwenu lwa lwafyo, ne ku lombela mu Muspiritu wa lwafyo. Mwimane monka mu butemwe bwa Leza kwa ku bula ku tela, ne ku tengela Nkambo Yesu. Yude 20-21. Aye i kilongoshi ne mulumbulwishi wa lwitabilo lwetu, I mulopwe wa balopwe. Aye amba, Ngiya bukidi bonka.

Kano kwi Awa wa kwi mi kanya ku pona, wa ku kosha kwi mi fisha ne lusekelo mu kyesi kyandi kya lukumo, kwa ku bula bulema, yenka Leza umo mupulushi wetu, a mone lukumo, ne buneme, ne bulobo, ne luhusa lonso, mwi Yesu Kristu Nkambo wetu, ku fuma lo ntanda ka yange, ku fika ne dino, ne nyeke pe. Amen. Yude 24,25.

Kwetu ku ntanda ya ku wama,
Kwetu Yesu ko a tangila,
Akwa kwetu kwa Leza Tata,
Atwe bonso tu ka fikako.

Ke pala, ke pala,
Panene netu twa fika.

Tu kamba muntanda ya Leza,
Yonka ñimbo ya ku mu tota,
Ne misongo yetu i ka pwa,
Tu ka tusha ne ku sekela.

Copyright MUP

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coracao do Homem" é obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuftamente a literatura evangelica, livros e folhetos em mais de 538 lnguas diferentes escreva para:

E-MAIL: info@angp-hb.co.za
info@angp.co.za

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)